

臨江府志卷之二十一

人物傳 三

宦業

漢

孔恂字巨卿新淦人爲州別駕車制舊有屏星如刺史車式刺史行部發傳晏移怒欲撤別駕屏星恂曰使君傳自晚發欲撤屏星毀國舊制別駕可去屏星不可撤卽投傳去刺史追謝乃止車仍舊式

三國吳

聶友字文悌豫章人

今清江鎮人

爲郡功曹諸葛恪友之

臨江府志

卷之二十一

宦業

一

時論謂顧子默子眞其間無所復容恪欲以友居其間由是知名恪薦友爲珠崖太守詔加友將軍與校尉陸凱同往執馘獻捷畱友治之友慮師久致疫簡其精銳自衛餘先遣還權大悅徵拜丹陽太守會恪復欲出軍伐魏友以書諫恪恪爲書答友曰足下雖有自然之理然未見大數於是違眾出軍大發州郡二十萬眾百姓騷動始失人心及恪退軍還友知其將敗書與滕允曰當人强盛河山可拔一朝羸縮人情萬端言之悲歎恪誅後孫峻忌友欲以爲鬱林大守友發病卒年三十三

吳志參吳錄粵大記

按雷次宗豫章記聶友于封溪夜射白鹿中之封溪在新淦縣北二十里據此友當爲豫章新淦人今清江鎮卽古新淦縣地昔時射鹿處也舊志載入清江人物以此

梁

湛僧智豫章新淦人爲梁譙州刺史普通六年從豫州刺史裴邃侵魏邃卒朝命夏侯亶持節代邃七年亶帥僧智等通清流澗將入淮肥魏軍夾肥築城出亶後亶與僧智還襲破之進攻黎漿所向皆降凡降城五十二獲男女口七萬五千人遂圍魏東豫州刺

臨江府志

卷之二十一

宦業

二

史元慶和於廣陵夏侯夔自武陽會僧智慶和於內築柵以自固及夔至遂請降夔讓僧智僧智曰慶和志欲降公不欲降僧智往必乖其意且僧智所將烏合募人不可御以法公持軍素嚴必無犯令受降納附深得其宜於是夔乃登城受慶和降詔以僧智領

東豫州鎮廣陵

南史參梁書

南唐

曾文昭峽江人七歲應南唐童子科擢第三宋初爲永城令上疏論邑利害歲省挽船夫萬計遷蒙城令蝗不入境終大理司直

宋

劉式字叔度新喻人南唐進士第一事宋太祖太宗  
歷官三司都磨勘奉使往諭三韓轉太常博士賜玉  
書法帖十六軸終刑部郎諸子孫宦蹟各有傳

王欽若字定國新喻人淳化三年進士爲亳州判官  
監會亭倉天久雨倉司以穀溼不爲納民遠來輸租  
者食穀且盡而不得輸欽若悉令輸入奏請不拘年  
次先支溼穀令不至壞奏至太宗大喜以爲有宰相  
器改判三司乾道至咸平寬逋負千餘萬釋繫囚三  
千餘人眞宗覽其文遷知制誥翰林學士參知政事

臨江府志

卷之二十一

宦業

三

景德初契丹入寇出判天雄軍祥符五年除樞密使  
同平章事後拜相進司徒封冀國公

蕭賀字慶之新喻人父諤以詩易二經教授閭里賀  
舉咸平三年進士屢官御史推直臺有樗木或曰樗  
凡材宜易柏賀曰道有不直官惟其人作宥樗賦終  
職方員外郎弟貫從弟固從子注貫字貫之與弟賁  
同登祥符八年進士屢官太子中允直史館京東轉  
運使知洪饒二州撫州參軍孫齊畱妻杜氏於家給  
娶周氏入蜀復納娼陳氏挈周所生子之官周至齊  
落爲婢手刃其子周訴州及轉運使皆不受理或告

之曰訴饒州蕭使君白矣周乃馳告撫非貫所部特檄治之雖更赦齊猶論編管遷兵部員外郎召試知制誥卒有文集二十卷子淇字子美世其家學壻中書舍人孔文仲私諡曰孝靖<sub>固</sub>字幹臣新喻人天聖五年進士仕大理丞太常博士通判虔州誅縛剽劫殆盡璽書獎諭移知吉州改除桂州兼廣西轉運使時儂智高侵邕州廷議進討固陳羈縻之策於樞府交州貢麒麟固力諫却之累官刑部郎中集賢殿修撰<sub>注</sub>字巖夫慶曆六年進士攝番禺令儂智高圍廣州突圍出募士二千人縱火焚賊舟破之賊退<sub>注</sub>挺

身入蠻諭以恩信狄青次賓州疑<sub>注</sub>倚賊勢爲姦<sub>注</sub>卒致賊母與二弟於闕下募死士入大理取智高已死函首以獻擢禮賓副使廣南都監知邕州拜西上閣門使尋駐鎮南節度副使有訟<sub>注</sub>功者起右監門將軍邠州都監知甯州交人挫於占城時謂賊不滿萬可取以<sub>注</sub>知桂州召對神宗問攻取之策對曰交人生聚教訓十五年矣謂兵不滿萬妄也會遣沈起代之乃罷歸卒詔賜賻絹三百錄其子

<sub>蕭律</sub>字調元新喻人景德二年賜明法及第爲廣州司法民有犯銅論及流死者百餘人律詳以聞<sub>口</sub>問

守江州屬邑多嵐瘴奏遷縣治仕者免客死徙潤州  
楊子江風濤爲患律開直道通舟歲省淘河工五萬  
璽書褒諭歷大理少卿夔峽轉運使終金部員外郎  
蕭映字仲景新喻人天聖五年進士仕者多以吉水  
爲劇邑難其令映至威惠並行邑大治每歲輸詣郡  
皆遡流而上映請築倉縣郭以便輸將及知道州建  
學養士罷州之丁米境內歡然仕終屯田郎中

楊申字宣卿新喻人天聖二年進士乙科上饒丞入  
爲太常少卿遷兗祿卿正色立朝與王安石論新法  
不合出知濟州多善政監司皆新進申以舊人不欲

治朱墨於其間力乞閒以中散大夫致仕家於郡城  
呂大防表所居爲耆德坊四世孫獬字正伯紹興十  
八年進士吉水令歲饑發常平倉賑之累官司農少  
卿以直顯謨閣知明州兼制置使海寇劫掠捕擒之  
海道平改知甯國卒子直清字叔裕永新令邑多強  
右抑之輒爲所誣直清不爲撓竟中飛語按驗無狀  
改知平陽卒

歐陽賓字國華新喻人景祐四年五經出身宜黃尉  
時盜夜殺人舟中無所掠而去賓疑之呼死者妻詰  
之色動乃姦夫也捕寘於法再調虔州左司理多所

平反四遷爲比部員外郎通判饒州

孔延之字長源峽江人孔子四十六世孫幼孤貧晝則帶經耕鋤夜燃松明繼之慶厯間舉進士授欽州軍事推官杜祁使南方誅歐希範延之謀畫居多還朝會開封治孟陽河開封奏可罷御史與開封爭不決詔延之往按視奏言費已鉅成之猶有小利遂從之知封州差往廣西寬恤民力所更置五十五事弛役三千人遷轉運判官廣西賦糴於民歲至六百萬石程督與租稅等延之計歲糴二十萬而足欽廉雷三州蠻戶爲富人所役延之奪使自爲業者六百家

臨江府志

卷之二十一

宦業

六

皆定著令改荆湖北路提點刑獄罷鼎州六寨成兵千餘人遷司封郎中卒初考建昌軍試得曾鞏宰新建與周茂叔爲僚友諸子由庭訓並以文章顯世號臨江三孔

陸起新淦人慶厯二年進士爲英州眞陽令有巫以銀瓮貯二蛇自嶺北至眞陽誘民迎且祠焉觀者填路起聞驟至蛇所亟令出瓮斬之捕巫劾其姦遠近稱爲神明仕至員外郎曾南豐作政難篇美之

胡向清江人皇祐元年進士自袁州司理厯審刑院詳議權大理卿決獄仁恕所至亡冤嘗倅越州二浙

綜核吏能奏課爲天下第一向天資忠厚不妄言動恩惠及物未嘗自矜子靜字應侯讀兵書應武舉試祕閣爲第一從西帥以兵入夏界修羅九城破賊於賞逋嶺作綏銀記并圖其地形奏之安石以爲才武可當一面之敵以隸湖北察訪司旣至首下懿洽等州又自爲書招納諸洞悉降以功加閣門祇候累遷秦州東路蕃漢巡檢元祐元年卒

陳公琰字易卿新淦人父恪力學有聞兄弟分產公琰獨取其薄曰我如是足矣皇祐初擢第知醴陵縣稱爲良吏時朝廷變馬氏鹽法吏緣爲姦上疏蠲除

之倅全州部使者不悅其守欲鈎致其罪公琰翼蔽之八遷至大夫七十休致卒於家

何正臣字君表新淦人九歲應童子科賜出身治平間復第進士爲御史裏行累官刑部侍郎遼使入朝頗矜慢正臣爲接伴使乃摘遼中密事詰之使愕然嘗爲御史兼管三班院輒自奏罷兼局其在長沙時詔募民以資易鹽力陳不可罷之又嘗閱別試策目對上誦之不脫一字上歎美自後策問註撰者姓名從子昌言紹聖四年進士第一官至工部侍郎

蕭從字從義新喻人元豐五年進士分宜令遷宗學

博士權御史臺主簿蔡京欲處以六察使排異己者從謝不能乞郡除河南少尹擢陝西運判命未下卒季巖臨江人元祐二年知東莞縣以能名邑東瀕江田每罹夏潦之害巖於西湖福隆右貝司馬頭巾山牛渡海諸處築長堤捍之民獲其利明年復築鹹潮堤十有二延袤一萬六千八十丈田二萬千餘頃至今賴之

廣東名宦志

陳竑字君度新淦人元祐三年進士甲科鎮安軍節度使推官郡頻年患水因條陳全城隄決溝澮等事患乃止會詔釐正祀典竑悉毀淫祠所存惟賈逵楊

臨江府志

卷之二十一

宦業

八

烈婦二祠又嘗率同僚瘞枯骨之無歸以籍沒產給寓喪於佛祠者竑兄弟三人以父蔭敘相遜自取科第終以直氣不屈罷

季大有字仲謙新喻人紹聖四年進士累擢中書門下省檢校公事權給事中守虔州宣和末金人犯京詔諸道勤王大有募義勇五千人入援淮甸歌曰天下姦臣皆守室虔州太守獨勤王後守三衢有宿寇猖獗下車卽平

傅雱字彥濟清江人政和八年進士高宗初相李綱薦雱可使金假工部侍郎充通問使行尋詔止之授



朝奉郎尙書考功員外郎

李維芑字仲彰清江人紹興中知新城縣以愛民爲本民之利病纖悉洞究省徭役興學校以儒術飭吏事民立祠祀之

明一統志

孔括字端中新淦人父源仲父滋淑皆登第亦號三孔括令涇安廉介市號美醞曰涇安清名聞行在所高宗題殿柱曰吏師孔括歲滿百姓畱之上諭宰相曰可轉一官令再任終濠州守

劉龜年字且老新喻人放曾孫蔭從仕郎峽州司戶參軍改錢塘簿秦檜用事鄉舊悉附顯或以語龜年

臨江府志

卷之二十一

宦業

九

龜年不應益謹職自匿竟秦氏敗無累遷道州軍事判官守李南壽言後守曰判官賢不求人知恐君或失之也改宣教郎令武陵尋詔註名中書通判沅州蠻人侵掠無甯歲龜年按法立約恩信不爽遂帖服乞祠階朝奉郎賜五品服卒子孟容別有傳

王光祖字仲顯清江人孝友坦易喜讀書知衡陽受知部使者辟守昭潭改瓊州嘗病廣右鹽法不便光宗卽位以光祖爲提舉兩路鹽盡行公私便之卒於

官 省志采府志

胡蒙清江人兩冠鄉書與黃庭堅曾鞏同年賜第時

以直道不阿官至邑令

〔向澹〕字伯海清江人子諲冢子嘗請準嚴薦舉知興國軍頻年大旱賑濟有功以薦加秩一等

〔董良史〕字邦直新淦人紹興二年詔天下諸路運司試士貢春官良史中江西第一除監尙書六部門判洪州時江西運判張常先嘗憾帥臣張安道陷諸遷客冀得良史取證其事良史不可移倅鄱陽秦檜當國任常先爲鷹犬莫敢有忤其意者良史卒不阿識者偉之

〔劉荀〕字子卿清江人嘗從胡寅於新州又從張九成

臨江府志

卷之二十一

宦業

十

於南安凡有得二公緒言皆筆之名曰思問記淳熙中知餘干縣未滿適周必大登相以荀爲首薦改判德安知盱眙軍後爲黠商謗罷所著有政規四十卷明本釋三卷座右記三卷文源八卷癡兒錄五卷德安守禦五卷都梁記問八卷邊防指掌圖三卷南北聘使錄三卷

〔陳琦〕字擇之清江人少力學嘗從張栻乾道二年進士初主衡陽簿辯雪冤獄賑荒榔桂糴無躡籍民甚德之後爲丞相畱公正辟主管機宜文字在蜀二年事無鉅細多資焉卒於官琦爲人明敏縝密嚴而有

恕能文善古律有克齋集藏於家

劉誠之字子開立禮五世孫少力學有大志乾道進士歷官州縣卓有政績嘗爲吏部郎後出提舉浙東常平除直祕閣知平江府平反冤獄人以比錢若水加直敷文閣知夔州改湖南運判奉祠卒弟性之字子仁登乙科爲廣東經略司幹官時蠻獠猖獗擾諸州性之奉帥檄督捕直擣峒穴擒其酋長特旨改秩後爲荆湖制置司參議官幕贊畫從容多所裨益擢知峽州秩滿陞監察御史終大府丞奉祠

蔡浩然字養正清江人乾道八年進士由戶曹爲兩

臨江府志

卷之二十一

宦業

十一

郡博士興學育才郡臺皆器之改知安化邑抵溪峒素號難治視篆未幾去猾吏抑豪強溪峒悉安用薦授南安通判尋以疾奉祠子鑑武舉出身武翼郎次子鉉通直郎

趙與時字德行本汴梁人祖師炳舉進士官大理卿以門蔭調臨安戶曹待次十年無書不究嘗遊慈湖楊公簡門聆其論議大有所得知仁和歷遷至金部板曹極力爬梳積弊頓革按籍督違老吏縮手擢將作監兼右司上問理財何術對以無踰節用上謂大臣類多牽制對以自明公道始皆嘉納之上方欲大

用未及卒所著有賓退錄十卷史翼一百六十卷  
彭鉉清江人龜年次子以父澤錄用嘗宰甯都幹辦  
湖南運司以捕寇有功除祕閣知廣州廣東安撫改  
知贛州蠲逋賦二十萬擢直謨閣湖南漕所著有臨  
川可否錄梅州備寇錄兵議事錄若干卷

王采字少白清江人寶慶二年進士任江陵錄參辟  
湖廣總幹分司值有警督戰大捷以功改奉議郎授  
淮南節判濠州受兵李制使以其練達兵事劄監軍  
同潘都統□援濠力戰解圍除濠州通判感疾奉祠  
卒弟札字季朋以門蔭歷沿江制閩幕以能擢守竟  
陵時襄陽失守郡當要衝兩被重圍竭力固守人皆  
效死敵不能攻卒完城轉朝請郎以母老奉祠

陳茂濂字孟溪新淦人父夢元咸淳進士茂濂登淳  
祐七年進士主新昌簿定板籍理稅畝邑黠吏有以  
賄倚勢誣邑屬者以法籍其家邑中肅然調郴州司  
理會文天祥領鎮湖南檄爲憲幕天祥移贛州濂攝  
幹臣護視司事累官至從政郎歸老於鄉學者稱爲  
泉岳先生

聶嘉字愚仲清江人寶祐四年進士贛縣尉改臨安  
右司理參軍尋辟浙西帥司授宣教郎差令瑞金卒

徐卿孫字麟仲清江人登景定三年第才猷穎捷由善化簿歷官左正言薦李芾文天祥可共患難卒如其言後陞兵部侍郎兼江西運副未及拜而卒

元

皮元字次翁新淦人由神童歷官南恩知州所至有聲以朝列大夫贛州路同知致仕自號如心

簡正理字西碧新喻人以薦授御史臺歷知班改太常奉理除石城尉歷永興新野桃源令居官廉介以儒術飭吏治時譽翕然卒年五十弟秋碧河源尹天碧工畫得商挺家法

臨江府志

卷之二十一

宦業

十三

皮縉字昭德清江人嘗從草廬吳澄遊得其領要以父南雄總管蔭補邵陽丞廉潔有惠政秩滿歸家三召始起判平江路通判流通泉貨公私兩便

周自強字剛善新喻人三異之子好學能文練於吏事泰定間以功授都事再遷義烏令周知民情訟者至必開喻令其悔悟不悛者始繩以法官至江州路總管秩滿還豫章遂歸東湖孺子亭側而終焉

晏壽先字仁效新喻人大德間舉蒙山銀場提舉調武昌適歲澇壽先白憲府沿格免徵逋亡者各得其所敕授揚州營田建議以歲賦責成有司民免九牧

十羊之漁改德昌路總管府判著有蒙江集父道原  
任宋登仕郎試漕子良材陝西提舉次宏道以譯學  
授新淦州蒙古字教授所著有株厓稿良俊建康提  
舉所著有澣江集

陳文彬清江人尹興國至正戊戌僞漢既陷贛遣兵  
窺興國文彬初蒞事率民固守凡再却之城以全癸  
卯乃爲保障計繕墉堞浚城隍疏水環焉門有五舊  
無甕城至是始備葺文廟講堂置尊經閣興文講學  
民不知爲喪亂之世

劉槎翁集